

LEKUALDATZE LEHIAKETAKO OHIKO GALDERAK ETA HORIEN ERANTZUNAK

• ALDERDI OROKORRAK

Zein ebazpenen bidez onetsi da autonomia erkidegoko lekualdatze lehiaketaren deialdia?

Hezkuntza Departamentuko Giza Baliabideen Zerbitzuko zuzendariak urriaren 16an emandako 2838/2017 Ebazpenaren bidez, autonomia erkidegoko lekualdatze lehiaketarako dei egiten da, kidego hauetako irakasle funtzionarioentzat: Maisu-maistren Kidegoa, Bigarren Hezkuntzako Katedradunen eta Irakasleen Kidegoa, Lanbide Heziketako Irakasle Teknikoen Kidegoa, Hizkuntza Eskola Ofizialetako Katedradunen eta Irakasleen Kidegoa, Musikako eta Arte Eszenikoetako Katedradunen eta Irakasleen Kidegoa eta Arte Plastikoetako eta Diseinuko Katedradunen, Irakasleen eta Tailer Maisuen Kidegoa (2017ko urriaren 30ko NAO).

• LEKUALDATZE LEHIAKETAN PARTE HARTZEA

2016-2017ko azken lekualdatze lehiaketan behin betiko destinoa erdietsi zuten funtzionarioek parte har dezakete 2017-2018ko lekualdatze lehiaketan?

Bai.

• ESKABIDEAK AURKEZTEA

Zein epetan aurkez daitezke lekualdatze lehiaketan parte hartzeko eskabideak?

2017ko urriaren 31tik azaroaren 21ra, biak barne.

Nola aurkeztu behar dute eskabidea deialdi honetan parte hartuko duten irakasleek?

Soilik aplikazio telematikoaren bidez, martxoaren 14ko 35/2017 Foru Aginduan ezarritakoari jarraituz.

Eskabideak aplikazio telematikoaren bidez behar bezala egin ahal izateko, arrunt gomendagarria da aplikazioan dauden jarraibideak zorrotz irakurtzea.

Parte hartzeko eskabidea aplikazio telematikoaren bidez bete ondoren, lehenik sinatu eta gero aplikazioaren bidez igorri behar da. Eskabideak aurkezteko epearen barruan behar bezala sinatu gabe igorritako zirriborroak automatikoki ezabatuko dira aipatutako epea iraungitakoan.

Nola aurkeztu behar dira merezimenduak eta/edo eskakizunak?

Interesdunek entregatu nahi dituzten merezimenduen eta/edo eskakizunen frogagiriak ondoko toki hauetakoren batean aurkeztu beharko dira: Hezkuntza Departamentuko Erregistroan (San Domingo kalea, z.g., Iruña), Nafarroako Gobernuako Erregistro Orokorrean, Nafarroako Gobernuaren gainerako erregistro bulegoetan (zerrenda 2014ko 46. Nafarroako Aldizkari Ofizialean argitaratu zen, martxoaren 7an) edo Herri Administrazioen Araubide Juridikoari eta Administrazio Prozedura Erkideari buruzko urriaren 1eko 39/2015 Legearen 16.4 artikuluan adierazitako bideren bat erabiliz.

Dokumentazioa posta bulego batean aurkezten bada, gutun-azal ireki batean aurkeztuko da, postako langileek, ziurtatu aurretik, data eta zigilua jar diezazkioten.

Praktiketako funtzionarioek frogagiriak aurkeztu behar dituzte merezimenduak baloratzeko?

Ez, praktiketako funtzionarioek ez dute merezimendurik aurkeztu behar. Praktiketako funtzionarioei destinoa esleituko zaie irakasle kidegoan sartzeko hauta-probetan izan zuten puntuazioaren arabera.

• LANPOSTUAK ESKATZEA

Praktiketako funtzionarioek zein lanpostu eska ditzakete lekualdatze lehiaketan?

Praktiketako funtzionarioek eska ditzakete:

- Hautapen prozesua zein espezialitate eta hizkuntzatan gainditu duten, hartako lanpostuak.
- Eta oposizioko espezialitateetik hauta ditzaketen lanpostuak, IV. eranskinean ezarritakoarekin bat, oposizioko hizkuntza berean.

2007tik aurrerako oposizioetan behin-behineko destinoa eskuratu zuten funtzionarioek zein lanpostu eska ditzakete?

Funtzionario hauek eska ditzakete:

- Hautapen prozesua zein espezialitate eta hizkuntzatan gainditu duten, hartako lanpostuak.
- Eta oposizioko espezialitateetik hauta ditzaketen lanpostuak, IV. eranskinean ezarritakoarekin bat, oposizioko hizkuntza berean.

Aurreko atalean xedaturikoa deusetan galarazi gabe, irakasleen kidegoetan ingelesa, frantsesa eta euskara espezialitateetan sartu ziren funtzionarioek, behin betiko lehen destinoa eskuratu ez badute, borondatez eskatu ahal izanen dituzte beren oposizioko espezialitateko hizkuntzari dagokion hizkuntza eskakizunarekin zehazten diren beste espezialitate bateko lanpostuak, betiere, lanpostua eskaini den espezialitateko titularrak badira edo espezialitate hori eskuratu badute eta dagokion hizkuntzaren egiaztagiria baldin badute.

2007 baino lehenagoko oposizioetan behin-behineko destinoa eskuratu zuten funtzionarioek eta, oposizioa 2007tik aurrera gainditua izanik, dagoeneko behin betiko lanposturen bat eskuratu duten behin-behineko funtzionarioek, zein lanpostu eska ditzakete?

Funtzionario hauek eskatu behar dute:

- Hautapen prozesua zein espezialitate eta hizkuntzatan gainditu duten, hartako lanpostuak.
- Ondoren eskuratu dituzten espezialitateetako lanpostuak edo ondoren gaikuntza eskuratu duten espezialitateetako lanpostuak.

Halaber, eska dezakete:

- Zein espezialitateko titularrak diren edo gaikuntza duten, hartako lanpostuak, IV. eranskinean ezarritakoarekin bat.
- Aurreko lanpostu guztiak, oposizioko hizkuntzan zein beste batean, betebeharrak betetzen badituzte.

Noiz adierazi behar dut “euskara” hizkuntzaren laukitxoan?

Nafarroako Gobernuko Hezkuntza Departamentuaren kudeaketa esparruko euskarazko espezialitateetako lanpostuak eskatu nahi diren orotan.

Euskal hizkuntza eta literatura (Nafarroa), Euskara (Nafarroa), Euskal hizkuntza, Euskara helduentzat eta Komunikazioaren esparrua: euskara izeneko espezialitateei dagozkien lanpostuen eskaerek euskara eramanen dute lanpostuko hizkuntzatzat.

Noiz adierazi behar dut “ingelesa”, “frantsesa” edo “alemana” “plaza elebiduna”-ri dagokion laukitxoan, Nafarroako Gobernuaren Hezkuntza Departamentuaren kudeaketa eremuko lanpostuetarako?

Ingelesekoak, frantsesekoak edo alemanekoak ez diren espezialitateen kasuan, ikastetxe eleanitzetan ingelesez, frantsesez edo alemanez irakasteko Maisu-maistren Kidegoko edo Bigarren Hezkuntzako Irakasleen Kidegoko lanpostuak eskatu nahi direnean soilik.

Beraz, ingeleseko, frantseseko edo alemaneko espezialitateko lanpostuak eskatzeko inolaz ere ez dira hizkuntza horiek adierazi behar “lanpostu elebiduna”-ren laukitxoan.

Noiz markatu behar dut ibiltaritzaren laukitxoak (lb.) Nafarroako Gobernuko Hezkuntza Departamentuaren kudeaketa eremuko lanpostuetarako?

Maisu-maistren Kidegoan, ikastetxeak eta herriak eskatzerakoan lanpostuak ibiltaritzakoak badira soilik.

Helduentzako Pedagogia Terapeutikoa, Helduen Lehen Hezkuntza, Helduen Ingelesa, Helduen Frantsesa, Gutxiengo Kulturalak eta Entzumena eta Hizkuntza Eskualdean espezialitateei dagozkien lanpostuen eskaerek ez dute inoiz ibiltaritzako koderik eramanen.

• MEREZIMENDUEN BAREMOA

Berretsiko dira 2010-2011 ikasturtetik aurrera (ikasturte hori barne) lekualdatze lehiaketetan erdietsitako puntuazioak?

Bai, lehiatzaileak parte hartu zuen azken lekualdatze lehiaketako puntuazioa berretsiko da, merezimenduen baremoko I. atala izan ezik, hori ofizioz baloratuko baitu Giza Baliabideen Zerbitzuak.

Nori berretsiko zaie puntuazioa?

Hezkuntza administrazio honek 2010-2011 ikasturtetik aurrera (ikasturte hori barne) antolaturiko lekualdatze lehiaketetan parte hartu zuten langileei, salbu eta parte hartu zuten azken lehiaketan praktiketako funtzionarioak zirenei.

Irakasle funtzionarioek jakin dezakete zein den berretsiko zaien puntuazioa, hain zuzen ere, aurreko lekualdatze lehiaketetan erdietsi zutena?

Bai. Interesdunek lekualdatze lehiaketetan erdietsitako behin betiko puntuazioa ikusteko aukera izanen dute, eskabideak aurkezteko aplikazio telematikoan.

Puntuazioa berretsiko zaien parte-hartzaileek merezimendu berriak aurkez ditzakete?

Soilik aurkeztu ahal izanen dituzte dagokion lekualdatze lehiaketako deialdirako eskabideak aurkezteko epea bukatu ondoren perfektionaturiko merezimenduak. Aplikazio telematikoak data horren gaineko informazioa emanen die interesdunei.

Parte hartu zuten lekualdatze lehiaketako azken puntuazioa berretsiko nahi ez duten parte-hartzaileek, dela ez daudelako ados puntuazioarekin, dela parte hartu zuten azken deialdiko eskabideak aurkezteko epea bukatu aurretik perfektionaturiko merezimendu berriak aurkeztu nahi dituztelako, zer egin behar dute?

Espresuki adierazi beharko dute parte hartzeko eskabidean, dagokion laukitxoan eta berriz ere aurkeztu beharko dituzte merezimendu guztiak.

Deialdiaren I. eranskin gisa jasotako baremoan zein merezimendu baloratuko dira?

Soilik baloratuko dira eskabideak aurkezteko epea bukatzen denerako (2017ko azaroaren 21era) dituzten merezimenduak, betiere epe horren barnean frogatzen badira.

Zein Master baloratzen da 3.1.2 atalean?

Soilik urtarrilaren 21eko 56/2005 Errege Dekretuarekin, urriaren 29ko 1393/2007 Errege Dekretuarekin edo abuztuaren 5eko 1002/2010 Errege Dekretuarekin bat egindakoa.

Merezimenduen baremoko 3.3 atalean zein hizkuntza titulu baloratuko dira?

Soilik hizkuntza eskola ofizialek luzatutako titulu edo egiaztagiriak.

Zer egin behar dut 6.5 atalean puntuazioa erdiesteko, Nafarroako Gobernuko Hezkuntza Departamentuak 2007tik aurrera irakasleen kidegoetan sartzeko edo horietara igotzeko deitutako hautapen prozedura batean epaimahaikide izan banaiz?

Giza Baliabideen Zerbitzuak ofizioz aurkeztuko du irakasleen kidegoetan sartzeko edo horietara igotzeko hautapen prozeduretako epaimahaikide lanetan benetan aritu ziren lehiatzaileen puntuazioa. Ez da parte-hartze horren ziurtagiria eskatu ez aurkeztu behar.

Espezialitate berriak eskuratzeko epaimahai bateko kide izatea baloratzen da 6.5 atalean?

Ez.

Nola baloratzen da euskararen ezagutza?

Euskararen ezagutza 6.7 atalean baloratuko zaie EGA titulu edo baliokidea aurkezten duten lehiatzaileei. Hizkuntza Eskola Ofizialaren Euskararen Gaitasun Agiria EGA tituluaren baliokideetako bat da.

Zer egin behar dut Euskararen Gaitasun Agiria edo Hizkuntza Eskola Ofizialetako Euskararen C1 maila baremazioaren 3.3.b) edo c) atalean balora dadin?

Euskararen Gaitasun Agiria merezimenduen baremazioko 3.3.c) atalean edo HEOetako Euskararen C1 maila 3.3.b) atalean balora dadin, lehiatzaileak espresuki eskatu beharko du eskabide orokor baten bidez. Bertan ondokoa

adieraziko du: “Euskararen Gaitasun Agiria edo HEOetako Euskararen C1 maila merezimenduen baremazioko 3.3. atalean balora dadin eskatzen dut”.